

IV. OPOSICIÓN E CONCURSOS**CONSELLERÍA DE SANIDADE**

ORDE do 22 de xuño de 2026 pola que se anuncia a convocatoria pública para a provisión, polo sistema de libre designación, dun posto de traballo vacante nesta consellería (código do posto SAC040000015770001).

De conformidade co establecido no artigo 92 da Lei 2/2015, do 29 de abril, do emprego público de Galicia, e nos artigos 5 a 8 e 25 a 28 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da Comunidade Autónoma de Galicia e das entidades públicas instrumentais integrantes do sector público autonómico, e no uso das atribucións conferidas polo artigo 17.2.c) da dita lei, esta consellería

DISPÓN:

Primeiro. Anunciar a convocatoria para cubrir, polo sistema de libre designación, o posto de traballo que se indica no anexo I desta orde.

Segundo. Poderán concorrer a ela os/as funcionarios/as de carreira que reúnan a condicións que para o posto de traballo se sinalan no anexo I.

A persoa funcionaria que, de ser o caso, desempeñe en comisión de servizos o posto obxecto desta convocatoria terá a obriga de participar nela. O incumprimento desta obriga dará lugar á revogación da comisión de servizos.

Terceiro. Todos os trámites relacionados con este procedemento se efectuarán a través de medios electrónicos. As solicitudes dirixiranse á Secretaría Xeral Técnica da Consellería de Sanidade e presentaranse obrigatoriamente por medios electrónicos no prazo de quince (15) días hábiles, contados a partir do seguinte ao da publicación da convocatoria no *Diario Oficial de Galicia*, conforme o modelo que se inclúe como anexo II. Para achegar a dita solicitude, na sede electrónica da Xunta de Galicia <https://sede.xunta.gal> está dispoñible o formulario normalizado correspondente ao procedemento administrativo PR004A, e para a presentación electrónica poderase empregar calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).



De conformidade co artigo 68.4 da Lei 39/2015, do 1 de outubro, do procedemento administrativo común das administracións públicas, se algunha das persoas interesadas presenta a súa solicitude presencialmente, será requerida para que a emende a través da súa presentación electrónica. Para estes efectos, considerarase data de presentación da solicitude aquela en que fose realizada a emenda.

Cuarto. As persoas aspirantes deberán achegar coa petición un currículo e xustificar, mediante certificación ou copia electrónica auténtica dos documentos acreditativos, os méritos que aleguen.

Conforme o previsto na Resolución do 5 de decembro de 2023, da Dirección Xeral da Función Pública, pola que se ditan instrucións para regular o contido, uso e acceso ao expediente persoal electrónico do persoal empregado público da Administración xeral da Comunidade Autónoma de Galicia e das súas entidades públicas instrumentais (DOG núm. 237, do 15 de decembro) e, concretamente, na súa instrución cuarta.2, referida ao emprego dos datos do expediente persoal electrónico na tramitación dos procesos de provisión de postos de traballo, cando as persoas aspirantes sexan ou fosen no pasado persoal empregado público coa condición de persoal funcionario ou laboral da Administración xeral da Comunidade Autónoma de Galicia e das entidades públicas instrumentais do sector público autonómico de Galicia enunciadas na letra a) do artigo 45 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, estas poderán indicar neste proceso de provisión que a información relativa ao seu currículo e méritos é a que figura como validada no seu expediente persoal electrónico, accesible na canle do emprego público de Galicia (Fides), para o cal deberán achegar coa solicitude de participación o informe dos méritos validados no expediente electrónico, dispoñible no enderezo <https://fides.xunta.gal>

Os méritos alegados e non probados ou validados segundo se indica non se terán en conta.

Quinto. No caso de resultar seleccionado para ocupar o posto de traballo persoal funcionario doutras administracións públicas, requirirase o informe favorable do órgano competente da súa Administración de orixe, de conformidade co previsto no artigo 29 do Decreto 151/2022, do 4 de agosto.

Sexto. A convocatoria resolverase no prazo máximo de dous meses, contados desde a data da súa publicación. No caso de non se resolver no dito prazo, declararase a caducidade do procedemento. A resolución da convocatoria, coa adxudicación do posto a calquera



das persoas funcionarias de carreira solicitantes que reúnan os requisitos exixidos para o seu desempeño, ou a súa declaración como deserta, por considerar que ningunha das persoas candidatas reúne as características adecuadas para o posto de traballo ou non reúne a idoneidade necesaria para o seu desempeño, ou se non se presentase ningunha solicitude, farase pública no *Diario Oficial de Galicia*.

Sétimo. O prazo para tomar posesión do novo destino será de tres días hábiles se non implica cambio de residencia ou de sete días hábiles se comporta cambio de residencia. Cando a persoa adxudicataria do posto obteña coa súa toma de posesión o reingreso ao servizo activo, o prazo será dun mes.

O prazo de toma de posesión comezará a contar a partir do día seguinte ao do cesamento, que se deberá producir dentro dos tres días hábiles seguintes ao da publicación da resolución no *Diario Oficial de Galicia*, ou desde a data en que se comunique a resolución do traslado á Comunidade Autónoma para o caso de persoal doutras administracións públicas. Se a resolución comporta o reingreso ao servizo activo, o prazo de toma de posesión deberá computarse a partir do día seguinte ao da publicación da resolución no *Diario Oficial de Galicia*.

Oitavo. Contra esta orde, que pon fin á vía administrativa, poderase interpoñer recurso contencioso-administrativo no prazo de dous meses, contados a partir do día seguinte ao da súa notificación, ante o xulgado do contencioso-administrativo competente, de conformidade co establecido nos artigos 8, 14 e 46 da Lei 29/1998, do 13 de xullo, reguladora da xurisdición contencioso-administrativa.

Potestativamente, e con carácter previo, poderase interpoñer recurso administrativo de reposición, ante este órgano directivo, no prazo dun mes a partir do día seguinte ao da notificación, segundo o disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas.

Santiago de Compostela, 22 de xuño de 2026

Antonio Gómez Caamaño
Conselleiro de Sanidade

ANEXO I

Código do posto: SAC040000015770001.

Denominación do posto: secretario/a do/da director/a xeral.

CVE-DOG: yymgyxk7-taf1-6bm2-bh91-aefnxc4byod6



Dependencia: Dirección Xeral de Planificación e Reforma Sanitaria da Consellería de Sa-
nidade.

Localidade: Santiago de Compostela.

Subgrupo: C1-C2.

Nivel CD: 18.

Complemento específico: 8.064,84 €.

Corpo ou escala: xeral/estatutario Sergas.

Adcr. admón. públ.: A16: adscrición indistinta a funcionarios da Xunta de Galicia, Estado e
CC.AA., e persoal estatutario do Sergas.

Formación específica: 640: para persoal doutra Administración, curso de perfeccionamento
de galego (R.I.).

CVE-DOG: yymgyxk7-taf1-6bm2-bh91-aefnxc4byod6





ANEXO II

Modelo de solicitude

DATOS PERSOAIS

Primeiro apelido		Segundo apelido		Nome
DNI	Data de nacemento	Corpo ou escala a que pertence	Grupo	Nº de RP
Domicilio, rúa e nº		Provincia	Localidade	Teléfono
Destino actual				
Consellería		Dependencia	Localidade	

SOLICITO: ser admitido/a na convocatoria para proveer o posto de traballo polo sistema de libre designación, anunciada pola Orde do 22 de xuño de 2026, ao considerar que reúno os requisitos exixidos para tomar parte para o posto de traballo que se indica:

Código do posto de traballo	Nivel complemento de destino	Centro directivo ou unidade de que depende	Localidade

TEMPO DE SERVIZOS PRESTADOS

No corpo actual	Anos	Meses	Días

Noutros corpos	Anos	Meses	Días
.....			
.....			
.....			
No actual posto de traballo			

Outros destinos anteriores	Anos	Meses	Días

Títulos académicos:

.....

.....

Coñecemento da lingua galega	Fala	Escribe	Entende

Outros méritos que deban facerse constar de acordo coas bases da convocatoria:

.....

.....

Outros méritos que o/a candidato/a desexa facer constar:

.....

.....

.....

.....

.....

INFORMACIÓN BÁSICA SOBRE PROTECCIÓN DE DATOS PERSOAIS

Responsable do tratamento	Xunta de Galicia. Consellería ou entidade á cal se dirixe esta solicitude, escrito ou comunicación
Finalidades do tratamento	Provisión de posto de traballo
Lexitimación para o tratamento	O cumprimento dunha obriga legal segundo a normativa xeral e sectorial referida en https://www.xunta.gal/informacion-xeral-proteccion-datos
Destinatarios dos datos	Os datos deberán ser comunicados á Dirección Xeral de Recursos Humanos (Sergas) ou á Dirección Xeral de Emprego Público e Administración de Persoal e publicados no <i>Diario Oficial de Galicia</i>
Exercicio de dereitos	As persoas interesadas poderán solicitar o acceso, rectificación, limitación e supresión dos seus datos, a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común, segundo se recolle en https://www.xunta.gal/exercicio-de-dereitos
Contacto delegado/a de protección de datos e información adicional	https://www.xunta.gal/informacion-xeral-proteccion-datos

(Lugar, data e sinatura)

Consellería de Sanidade